

Өнеркәсіптік үлгілердің халықаралық жіктемесін белгілеу туралы Локарно келісіміне Қазақстан Республикасының қосылуы туралы

Қазақстан Республикасының Заңы 2002 жылғы 31 қаңтар N 291-II

Локарнода 1968 жылғы 8 қазанда жасалған Өнеркәсіптік үлгілердің халықаралық жіктемесін белгілеу туралы Локарно келісіміне Қазақстан Республикасы қосылсын.

Қ а з а қ с т а н Р е с п у б л и к а с ы н ы ң

Президенті

ӨНЕРКӘСПТІК ҮЛГІЛЕРДІҢ ХАЛЫҚАРАЛЫҚ ЖІКТЕМЕСІН БЕЛГІЛЕУ ТУРАЛЫ ЛОКАРНО КЕЛІСІМІ

(2002 жылғы 7 қарашада күшіне енді - ҚР СИМ-нің ресми сайты)

(Локарнода 1968 жылы 8 қазанда қол қойылған)

1-бап Арнайы одақты құру; Халықаралық жіктемені қабылдау

(1) Осы Келісімді қолданатын елдер Арнайы одақ құрады.

(2) Олар өнеркәсіп үлгілерінің бірыңғай жіктемесін (бұдан әрі - "Халықаралық жіктеме" деп аталады) қабылдайды.

(3) Халықаралық жіктеме мыналарды қамтиды:

(I) топтар мен қосалқы топтардың тізбесі;

(II) өнеркәсіп үлгілері жинақталған тауарлардың алфавиттік тізбесі; онда олардың жатқызылатын топтары мен қосалқы топтары қоса көрсетіледі;

(III) түсіндірме.

(4) Топтар мен қосалқы топтардың тізбесі 3-баптың негізінде құрылған Сарапшылар комитеті (бұдан әрі - "Сарапшылар комитеті" деп аталады)* енгізетін өзгерістер мен толықтырулар ескеріле отырып, осы Келісімге қоса берілетін тізімнен тұрады.

(5) Тауарлардың алфавиттік тізбесі мен түсіндірмені 3-бапта белгіленген рәсімге сәйкес Сарапшылар комитеті қабылдайды.

(6) Халықаралық жіктеме 3-бапта белгіленген рәсімге сәйкес Сарапшылар комитетінде өзгертілуі немесе толықтырылуы мүмкін.

(7) (a) Халықаралық жіктеме ағылшын және француз тілдерінде жасалады.

(b) Халықаралық жіктеменің ресми мәтіні мүдделі үкіметтермен кеңескен соң Дүниежүзілік санаткерлік меншік ұйымын құрған, (бұдан әрі "Ұйым" деп аталады),

Конвенцияда айтылған, санаткерлік меншіктің Халықаралық бюросымен (бұдан әрі - "Халықаралық бюро" деп аталады) 5-бапта айтылғандай, Ассамблеяның айқындауымен басқа тілдерде жасалады.

2-бап Халықаралық жіктемені қолдану мен оның заңдық маңызы

(1) Осы келісім жүктеген міндеттемелер ескеріле отырып, Халықаралық жіктеме айрықша әкімшілік сипатқа ие болады. Алайда, әрбір ел оған өзі қажетті деп санайтын заңдық маңыз бере алады. Атап айтқанда, Халықаралық жіктеме Арнайы одақтың елдерін осы елдердегі өнеркәсіп үлгілерін қорғаудың түрлері мен көлеміне қатысты б а й л а н ы с т ы р м а й д ы .

(2) Арнайы одақтың әрбір елі Халықаралық жіктемені негізгі немесе қосымша жүйе ретінде пайдалану құқығын өзінде қалдырады.

(3) Арнайы одақ елдерінің ведомстволары өнеркәсіп үлгілері жинақталған тауарлар жатқызылатын Халықаралық жіктеменің топтары мен қосалқы топтарының нөмірлерін өнеркәсіп үлгілерін депозитке салу немесе тіркеу туралы ресми құжатқа, ал егер олар ресми жарияланған болса, - осы жарияланымға енгізеді.

(4) Тауарлардың алфавиттік тізбесіне қосу үшін атауларды іріктеген кезде Сарапшылар комитеті айрықша құқықтың нысанасы болуы мүмкін атауларды пайдаланудан бойын аулақ салуға ерекше назар аударады. Соған қарамастан кез келген терминді алфавиттік тізбеге енгізу барысында аталған термин айрықша құқықтың нысанасы болып табылатындығы туралы мәселені Сарапшылар комитетінің пікірі деп т ү с і н д і р у г е б о л м а й д ы .

* Локарно дипломатиялық конференциясымен қабылданған топтар мен қосалқы топтардың тізбесі кейінірек Сарапшылар комитетімен өзгертілді, сондықтан да осы мәтінге қосымша ретінде берілген жоқ.

3-бап Сарапшылар комитеті

(1) Халықаралық бюро жанынан Сарапшылар комитеті құрылады, оған 1(4)-, 1(5)- және 1(6)-баптарда көрсетілген міндеттер жүктелген. Арнайы одақтың әрбір елі қызметі ұсынылған елдердің жай көпшілік дауысымен қабылданатын рәсім ережесімен айқындалатын Сарапшылар комитетіне ұсынылады.

(2) Сарапшылар комитеті алфавиттік тізбе мен түсіндірмені Арнайы одақ елдерінің жай көпшілік даусымен қабылдайды.

(3) Халықаралық жіктемеге өзгертулер мен толықтырулар енгізу туралы ұсыныстарды Арнайы одақтың кез келген елінің ведомствосы немесе Халықаралық бюро енгізе алады. Қандай да бір ведомстводан туындаған кез келген ұсынысты осы ведомство Халықаралық бюроға жолдайды. Ведомстволар мен Халықаралық бюроньң

ұсыныстары осы ұсыныстар қаралуға тиіс комитеттің сессиясы басталғанға дейін екі айдан кешіктірмей Сарапшылар комитетінің мүшелеріне жіберіледі.

(4) Халықаралық жіктемеге өзгертулер мен толықтырулар енгізуге қатысты Сарапшылар комитетінің шешімі Арнайы одақ елдерінің жай көпшілік дауысымен қабылданады. Солай бола тұрса да егер шешім жаңа топты құру немесе тауарды бір топтан екіншісіне ауыстыруға қатысты болса, бірауыздан дауыс беру талап етіледі.

(5) Әрбір сарапшы хат алмасу арқылы дауыс беруге құқылы.

(6) Егер ел Сарапшылар комитетінің мәжілісіне өз өкілін тағайындамаса немесе егер тағайындалған сарапшы мәжіліс кезінде Сарапшылар комитетінің тағайындалған рәсім ережелерінде белгіленген мерзім ішінде дауыс бермесе, онда аталған ел Комитеттің шешімін қабылдады деп есептеледі.

4-бап Хабарлама, жіктемені, оған өзгерістер мен толықтыруларды жариялау

(1) Сарапшылар комитеті қабылдаған тауарлар мен түсіндірмелердің алфавиттік тізбесін, сондай-ақ олар туралы Комитет шешім шығарған Халықаралық жіктемеге кез келген өзгерістер мен толықтыруларды Халықаралық бюро Арнайы одақ елдерінің ведомстволарына жібереді. Сарапшылар комитетінің шешімі хабарлама қолға тиген сәттен бастап күшіне енеді. Алайда, егер бұл шешімдер жаңа топты енгізуге немесе бір топтан екіншісіне ауыстыруға қатысты болса, ондай шешімдер хабарлама жөнелтілген күннен бастап алты ай өткенде күшіне енеді.

(2) Халықаралық бюро Халықаралық жіктеменің депозитарийі ретінде оған күшіне енген өзгерістер мен толықтырулар енгізеді. Осындай өзгерістер мен толықтырулар туралы хабарлар Ассамблея белгілейтін мерзімді басылымдарда жарияланады.

5-бап Арнайы одақтың Ассамблеясы

(1) (a) Арнайы одақтың Арнайы одақ елдерінен тұратын Ассамблеясы болады.

(b) Арнайы одақтың әрбір елінің үкіметі бір делегаттан ұсынады, оның орынбасарлары, кеңесшілері мен сарапшылары болады.

(c) Әр делегацияға жұмсалатын шығыстарды оны тағайындаған үкімет көтереді.

(2) (a) 3-баптың ережелерін ескере отырып Ассамблея:

(I) Арнайы одақты сақтау мен дамытуға және осы Келісімді қолдануға қатысты барлық мәселелерді қарайды;

(II) Халықаралық бюроға қайта қарау жөніндегі конференцияға дайындыққа қатысты нұсқаулар береді;

(III) Ұйымның Бас директорының (бұдан әрі - "Бас директор" деп аталады) Арнайы одаққа қатысы бар есептері мен қызметін қарайды және бекітеді, оған Арнайы одақтың құзыретіне кіретін мәселелер бойынша барлық қажетті нұсқаулар береді;

(IV) бағдарламаны айқындайды, Арнайы одақтың үш жылдық бюджетін

қабылдайды және оның қаржылық есебін бекітеді;

(V) Арнайы одақтың қаржылық регламентін бекітеді;

(VI) Халықаралық жіктеменің ресми мәтінін ағылшын және француз тілдерінен басқа тілдерде дайындау мәселелерін шешеді;

(VII) 3-бапқа сәйкес құрылған Сарапшылар комитетінен басқа, Арнайы одақтың мақсатын жүзеге асыруда қажет деп есептелген басқа да сарапшылар комитеттері мен жұмыс топтарын құрады;

(VIII) Арнайы одақтың мүшелері болып табылмайтын қандай елдердің және қандай үкіметаралық және халықаралық үкіметтік емес ұйымдардың оның мәжілісіне бақылаушы ретінде жіберілуі мүмкін екендігін айқындайды;

(IX) 5-8-баптарға түзетулерді қабылдайды;

(X) Арнайы одақтың мақсаттарына қол жеткізуге бағытталған басқа да кез келген лайықты әрекеттерді жүзеге асырады;

(XI) осы Келісімнен туындайтын басқа да міндеттерді орындайды;

(b) Ұйым әкімшілік ететін басқа да Одақтар үшін мүдделілік туғызатын мәселелер бойынша Ассамблея Ұйымның Үйлестіру комитетінің пікірін тыңдап, шешім қабылдайды.

(3)(a) Ассамблеяға мүше әрбір ел бір дауысқа ие болады.

(b) Ассамблеяға мүше елдердің тең жартысы кворумды құрайды.

(c) Егер ұсынылған елдердің қайсыбір сессиядағы саны олардың жартысына жетпесе, (b) қосалқы тармағының ережесіне қарамастан, қатысушылар Ассамблеяға мүше елдердің үштен біріне тең болса немесе одан асса, онда ол шешім қабылдай береді, алайда Ассамблеяның мұндай шешімдері, оның өзінің рәсім ережесіне қатысты шешімдерді қоспағанда, төменде келтірілген талаптарды сақтағанда ғана күшіне енеді. Халықаралық бюро аталған шешімдерді Ассамблеяның келмей қалған мүше елдеріне жібереді және оларды шешім жіберген күннен бастап есептегенде үш ай мерзім ішінде осы шешімдер үшін дауыс беретіндігін немесе қалыс қалатындығын айтып жазбаша түрде хабарлауға шақырады. Осы мерзім ішінде дауыс бергені немесе қалыс қалғаны жөнінде хабарлаған елдер сессияда жетпей қалған кворумның орнын толтырады, мұндай шешімдер қажетті басымдылық бір мезгілде сақталған жағдайда күшіне енеді.

(d) 8(2)-баптың ережелерін ескере отырып, Ассамблея өз шешімдерін берілген дауыстың үштен екісінде көпшілік дауыспен қабылдайды.

(e) Қалыс қалған дауыстар есепке алынбайды.

(f) Делегат тек бір елді ғана білдіре және оның атынан дауыс бере алады.

(4) (a) Ассамблея кезекті сессияға, ерекше жағдайлардан басқа кезде, Ұйымның Бас Ассамблеясы орналасқан жерге, сол уақытта Бас директордың шақыруымен үш жылда бір рет жиналады.

(b) Ассамблея төтенше сессияға Бас директордың шақыруымен Ассамблеяға мүше елдердің төрттен бірі талап еткенде жиналады.

(с) Бас директор әрбір сессияның күн тәртібін дайындайды.

(5) Ассамблея өзінің рәсім ережесін қабылдайды.

6-бап Халықаралық бюро

(1) (a) Арнайы одақтың әкімшілік міндеттерін Халықаралық бюро жүзеге асырады.

(b) Халықаралық бюро, атап айтқанда, мәжілістерді дайындайды және Ассамблея, Сарапшылар комитеті хатшылығының, сондай-ақ Ассамблея немесе Сарапшылар комитеті құруы мүмкін басқа да комитеттер мен жұмыс топтарының міндеттерін атқарады.

(с) Бас директор Арнайы одақтың басты лауазымды тұлғасы болып табылады және Арнайы одақты білдіреді.

(2) Бас директор мен ол тағайындаған кез келген қызметкер мүше Ассамблеяның, Сарапшылар комитетінің және Ассамблея немесе Сарапшылар комитеті құруы мүмкін басқа да Сарапшылар комитеттерінің немесе жұмыс топтары мәжілістерінің бәріне дауыс беру құқығынсыз қатысады. Бас директор немесе ол тағайындаған қызметкер мүше осы органдардың ex officio хатшысы болып табылады.

(3) (a) Халықаралық бюро Ассамблеяның нұсқауымен, 5-8-баптардықоспағанда, Келісімнің ережелерін қайта қарау жөніндегі конференцияны дайындайды.

(b) Халықаралық бюро қайта қарау жөніндегі конференцияларды дайындау мәселелері бойынша үкіметаралық және халықаралық үкіметтік емес ұйымдармен кеңесуі мүмкін.

(с) Бас директор және ол тағайындаған тұлғалар осындай конференциялардың жұмысына дауыс беру құқығынсыз қатысады.

(4) Халықаралық бюро өзіне жүктелген кез келген басқа да міндеттерді орындайды.

7-бап Қаржылар

(1)(a) Арнайы одақтың бюджеті болады.

(b) Арнайы одақтың бюджеті Арнайы одаққа тән түсім мен шығысқа ие, оның шығыс бюджетіне түскен жарнасы Одаққа тиесілі жалпы шығынға жұмсалады, сондай-ақ тиісті жағдайларда Ұйым Конференциясының бюджетіне аударылады.

(с) Одақ үшін жалпы шығыстардың Арнайы одаққа мүлдем қатысы жоқ деп есептеледі, бірақ олар осымен бір мезгілде Ұйым әкімшілік жүргізетін басқа Одақтардың біреуіне немесе бірнешеуіне жұмсалады. Осы жалпы шығыстардағы Арнайы одақтың үлесі оның аталған шығыстарға мүдделілігіне сәйкес келеді.

(2) Арнайы одақтың бюджеті Ұйым әкімшілік жүргізетін басқа Одақтардың бюджетімен үйлестіру талабын мейлінше ескере отырып қабылданады.

(3) Арнайы одақтың бюджеті мынадай көздерден:

(I) Арнайы одақ елдерінің жарналарынан;

(II) Арнайы одаққа қатысты Халықаралық қызмет көрсету бюросы ұсынатын а л ы м д а р м е н т ө л е м д е р д е н ;

(III) Арнайы одаққа қатысты Халықаралық бюро жарияланымдарын сатудан және осындай жарияланымдар құқығын өзгеге ауыстырудан түскен кірістерден;

(IV) сыйға беруден, мұрагерлік қаражаттан және субсидиядан;

(V) рентадан, пайыздардан және басқа әртүрлі кірістерден қаржыландырылады.

(4) (3) (i) тармақта айтылған (a) жарнаны белгілеу үшін, Арнайы одақтың әрбір елінің қай топқа жататындығы, Өнеркәсіп меншігін қорғау жөніндегі Париж одағына қатыстылығы ескеріледі және өзінің жылдық жарнасын осы одақта аталған топқа белгіленген бірлік саны негізінде төлейді.

(b) Арнайы одақтың әрбір елінің жылдық жарнасы барлық елдер төлеуге тиісті Арнайы одақтың бюджетіндегі жарналардың жалпы сомасына қатысты сомаға тең, оның көлем бірлігі елдердің төлейтін барлық жарналарының жалпы мөлшерінің көлем бірлігіне қ а т ы с ы б а р .

(c) Жарна әр жылдың бірінші қаңтарынан бастап төленуге тиіс.

(d) Егер берешегі осының алдындағы екі жылда өзіне есептелген жарна сомасына тең болса немесе одан асып кетсе, жарна төлеу жөнінен берешегі бар ел Арнайы одақтың барлық органдарында дауыс құқығын жоғалтады. Алайда Арнайы одақтың кез келген органдары төлем мерзімінің ұзаруы ерекше және болмай қоймайтын жағдайлар нәтижесінде орын алғанына көз жеткізсе, ондай елге осы органда дауыс құқығын пайдалануды жалғастыруға рұқсат етеді.

(e) Бюджет жаңа қаржылық кезең басталғанға дейін қабылданбаған жағдайда, қаржы регламентінде көзделген тәртіпке сәйкес, бюджет өткен жылдың деңгейінде ә р е к е т е т е д і .

(5) Арнайы одақтың атынан Халықаралық бюро ұсынған қызмет көрсеткені үшін есептелетін алымдар мен төлемдердің мөлшерін Бас директор белгілейді, ол бұл жөнінде А с с а м б л е я ғ а б а я н д а й д ы .

(6) (a) Арнайы одақтың айналмалы қаражат қоры болады, ол Арнайы одақтың әрбір елі енгізетін бір мәртелік төлемнен құралады. Егер айналмалы қаражат қоры жеткіліксіз болса, Ассамблея оны ұлғайту туралы мәселені шешеді.

(b) Әрбір елдің аталған қорға бастапқы төлемдер мөлшері немесе оның осы қорды ұлғайтудағы үлесі қордың құрылған немесе оны ұлғайту жөнінде шешім қабылданған жылдағы осы елдің жарнасына мөлшерлес келеді.

(c) Төлемнің мұндай мөлшерлестігін және шартты Бас директордың ұсынысы бойынша және ол Ұйымның Үйлестіру комитетінің пікірін тыңдағаннан кейін А с с а м б л е я б е л г і л е й д і .

(7) (a) Ұйым өзінің штаб-пәтері орналасқан аумақтағы елмен штаб-пәтер туралы жасасқан келісімінде айналмалы қаражат қоры жеткіліксіз болған жағдайда, сол елдің аванс беруін қарастырады. Бұл аванстың сомасы және оны берудің шарты осы елдің

және Ұйымның арасында жасалатын айрықша келісімнің нысанасы болып табылады.

(b) (a) тармақшасында айтылған ел де, сондай-ақ Ұйым да, аванс беру туралы міндеттеме күшінің жойылғандығы туралы жазбаша хабарлау құқығына ие болады. Күшін жою хабарлама жасалған жыл аяқталғаннан кейін үш жыл өткен соң күшіне е н е д і .

(8) Қаржылық тексеру қаржы регламентінің ережелеріне сәйкес Арнайы одақтың бір немесе бірнеше елдерімен немесе солардың келісімімен Ассамблея тағайындаған сырттан тексеруші тарту жолымен жүзеге асырылады.

8-бап 5-8-баптарға түзетулер

(1) 5-7-баптарға және осы бапқа түзетулер енгізу туралы ұсыныстарды Арнайы одақтың кез келген елдері немесе Бас директор жасауы мүмкін. Мұндай ұсыныстарды Бас директор Арнайы одақ елдеріне оны Ассамблеяда қарауға дейін кем дегенде алты а й б ұ р ы н ж і б е р е д і .

(2) (1) тармақта көзделген баптарға түзетулерді Ассамблея қабылдайды, ол үшін берілген дауыстың төрттен үш көпшілік дауысы талап етіледі; алайда 5-бапқа және осы тармаққа жасалатын кез келген түзету берілген дауыстың бестен төрт көпшілік д а у ы с ы м е н қ а б ы л д а н а д ы .

(3) (1) тармақта көзделген баптарға кез келген түзету оны әрбір ел конституциялық рәсімге сәйкес жүзеге асыра отырып қабылдағаны туралы жазбаша хабарламаны Бас директор осы түзетулер қабылданған кезде Арнайы одақтың мүшелігінде тұратын елдердің төрттен үшіннен жазбаша хабарлама алғаннан кейін бір айдан соң күшіне енеді . Аталған баптарға осындай үлгіде қабылданған кез келген түзету күшіне енген кезде Ассамблея мүшесі болып табылатын немесе осы күннен кейін оған мүше болатын барлық елдер үшін міндетті; алайда Арнайы одақ елдерінің қаржылық міндеттемелерін ұлғайтатын кез келген түзету өздерінің осындай түзетуді қабылданғандары туралы хабарланған елдер үшін ғана міндетті болып табылады.

9-бап Бекіту және қосылу; күшіне енуі

(1) Осы Келісімге қол қойған Өнеркәсіп меншігін қорғау жөніндегі Париж конвенциясына қатысушы кез келген ел оны бекіте алады немесе, егер оған қол қ о й м а ғ а н б о л с а , қ о с ы л а а л а д ы .

(2) Бекіту грамоталары мен қосылу туралы актілер Бас директордың сақтауына т а п с ы р ы л а д ы .

(3)(a) Осы Келісім бекіту грамоталарын немесе қосылу туралы актілерді сақтауға тапсырған алғашқы бес елге қатысты бесінші бекіту грамоталарын немесе қосылу туралы актілерді сақтауға тапсырғаннан кейін үш айдан соң күшіне енеді.

(b) Егер бекіту грамотасында немесе қосылу туралы актіде күні неғұрлым

кешіктіріп көрсетілмесе, осы Келісім кез келген басқа елге қатысты, Бас директор оны бекіту немесе қосылу туралы хабарлауды іске асырған күннен бастап үш айдан кейін күшіне енеді. Соңғы жағдайда осы Келісім сол елге қатысты қойылған күні бойынша күшіне енеді.

(4) Бекіту немесе қосылу осы Келісіммен белгіленген барлық ережелерді мойындауға және барлық артықшылықтарды алуға өзінен өзі жол ашып береді.

10-бап Келісімнің күші және қолданылу мерзімі

Осы Келісім Өнеркәсіп меншігін қорғау жөніндегі Париж конвенциясы иеленген күшке ие және сондай мерзімде қолданылады.

11-бап 1-4 және 9-15-баптарды қайта қарау

(1) Осы Келісімнің 1-4 және 9-15-баптары жетілдіре түсу мақсатында қайта қаралуы мүмкін.

(2) Әрбір қайта қарауды Арнайы одақ елдері өкілдерінің конференциясы жүзеге асырады.

12-бап Күшін жою

(1) Кез келген ел Бас директорға жолданған хабарлама арқылы осы Келісімнің күшін жоя алады. Осындай күшін жою оны жасаған елге ғана қолданылады, сонымен бір мезгілде Арнайы одақтың басқа елдері үшін Келісім күшінде қала береді және орындалуға жатады.

(2) Күшін жою Бас директор хабарламаны алған күнді қоса есептегенде бір жылдан кейін күшіне енеді.

(3) Осы баппен көзделген күшін жою құқығын Арнайы одақтың мүшесі болған күннен бастап бес жыл өтпейінше, ешбір елдің қолдануына болмайды.

13-бап Аумақ

Өнеркәсіп меншігін қорғау жөніндегі Париж конвенциясы 24-бабының ережесі осы Келісімге қолданылады.

14-бап Қол қою, тілдері, хабарлама

(1) (a) Осы Келісімге ағылшын және француз тілдерінде бір данада қол қойылады, әрі екі мәтін де тең түпнұсқада болады. Келісім Швейцария Үкіметінің сақтауына тапсырылады.

(b) Осы Келісім қол қою үшін Бернде 1969 жылғы 30 маусымға дейін ашық.

(2) Ресми мәтіндерді Бас директор мүдделі үкіметтермен кеңескеннен кейін Ассамблея белгілеген басқа тілдерде жасайды.

(3) Бас директор осы Келісімнің Швейцарияның Үкіметі тиісті дәрежеде куәландырып, қол қойылған мәтінінің екі көшірмесін оған қол қойған елдердің үкіметтеріне және сұрау салулары бойынша кез келген басқа елдің үкіметіне жібереді.

(4) Бас директор осы Келісімді Біріккен Ұлттар Ұйымының Хатшылығында т і р к е й д і .

(5) Бас директор Арнайы одақтың барлық елдері үкіметтеріне Келісімнің күшіне енген күні туралы, бекіту грамоталары мен қосылу туралы актілерге қол қойылғаны, сақтауға тапсырылғаны туралы, осы Келісімге түзетулерді қабылдау туралы, осындай түзетулердің күшіне енген күндері туралы, және күшін жою туралы хабарлама жөнінде хабарлайды.

15-бап Өтпелі жағдай

Бірінші Бас директор қызметіне кіріскенге дейін осы Келісімдегі Ұйымның Халықаралық бюросына немесе Бас директорға сілтеме Санаткерлік меншікті қорғау жөніндегі біріккен халықаралық бюроға (БИРПИ) немесе тиісінше олардың Директорына жасалатын сілтеме деп есептелінеді.

Мамандар:

Қасымбеков Б.

Орынбекова Д.